

中國方志叢書·華南地方·第一六六號

據

清·李文恒修，鄭文彩纂
咸豐七年刊本

影印

廣東省

瓊山縣志

(一)



sk12466

成文出版社有限公司印行



10101544

咸豐七年重刊

瓊山縣志

續修瓊山縣志序

瓊山郡首邑也泊在郡中故事多登郡志余下車伊始觀風問俗徵府縣各舊志公餘披閱見府志燦然大備獨縣志漫滅無考爲悵然者久之甲寅秋廣匪肆援因慮夫城垣頽敝樓堞傾圯之不可以禦侮也遂與同僚諸君子謀所以新之是歲鳩工乙卯夏始告成暇輒一登眺曠覽邱文莊海忠介二公故里殊深人以高山景仰之思而其流風遺韻猶足沾溉後人故是邑之羣賢接踵科甲蟬聯者亦倍蓰於他屬殆彬彬乎有海濱鄒魯意焉乃夷考前明及國初止載郡志而邑乘闕如康熙

間始權與於邑侯潘君嗣是終侯楊侯續踵而修之遂燦然其大備顧自乾隆十二年後距今又一百八年矣其間之絕而不復續者益深人以文獻無徵之懼且夫縣之有志豈惟是書瑣屑記科名鋪張揚厲修聲明文物之盛云爾哉必將記事撮要顯微闡幽節孝忠貞人雖微而必載褒譏褒貶言有大而非夸庶足發揚往行昭示來茲適城工既竣遂以語邑侯李君午橋集邑之人士鄭學博文彩蔡學博藩輩歲弄其事仲冬之杪書尚未就而余適有陳臬粵西之命行有日矣諸生來請余一言爲序余欣諾焉爰集諸章縫而語之曰邑之

有志猶國之有史所以信今而傳後者也其母檢
揚過而近譽其母傳訛多而失真其母俚褻而同
稗乘其母疎畧而誤魯魚義例必精考核必詳是
非必當取舍必公庶使生斯長斯而官斯者可考
土宜而知勸相因風俗以善裁成而氣節峻贈文
章彪炳與夫德行道義之士經濟篤實之儒亦足
使後生小子觀感而興起慕義而向風則斯志之
所裨益豈淺鮮哉余行矣諸生其酌古準今考詳
論定特具三長備臻眾善俾哀然成帙與府志相
輝映焉庶不負余與諸君子相與有成之意也夫
是爲序

賜進士出身翰林院編修廣東雷瓊兵備道升撰廣西
按察使司按察使古淪黃鍾音誤



修志姓氏 咸豐五年

監定

特授廣東瓊州府瓊山縣知縣文烜

纂修

前任雷州府海康縣儒學辛巳 恩科舉人鄭文彩

前任潮州府饒平縣儒學戊子科舉人蔡藩

分纂

甲午科舉人李向桐

欽點知縣籤掣直隸丙辰科進士邱對欣

己酉科舉人陳毓

貢生符顯

候選儒學廩貢生張伯琦

參閱

乙酉科拔貢生吳儁

丁酉科拔貢生王廷傳

乙巳科優貢生蕭志健

校對

廩生林鳳舉

廩生周慶齡

童生王光緒

繕寫

生鄭天章

廩

生林國

附

生吳蘭修

附

生陳謙尊

附

生陳韶光

附

生符會選

附

生王中馭

附

生王之福

附

生蔡傳綸

附

生羅世珍

附

生陳華

採訪

重修

志

四

歲

貢

生王德綸

歲

貢

生符子立

歲

貢

生符瑞

恩

貢

生陳德潤

恩

貢

生鄧人龍

廩

生吳爲欽

廩

生陳嘉謨

廩

生周慶齡

增

生黃建範

附

生丁希度

附

生崔凌雲

附 附


生馮
生陳有俊

負山系志

卷二

修志姓氏

五



原序

知縣潘廷

夫志者記也記者寄也物不能以自傳必有所託以傳之是故或得之故老之傳聞或得之文人學士之紀載搜殘補漏而後其事藉以不朽其人託以必傳瓊邑向無專志總附於郡乘以在郡即在邑也郡既有成書矣今復取邑志而校讐之不鄰於夏日之裘而飽後之飯乎是大不然郡之於邑猶省之於郡也有省志不可無郡志甯有郡志獨可無邑志乎况瓊山爲郡首邑物衆地大非如下州小邑偏僻之邦無多紀載可簡畧以從事也猶舉其大凡存者什九而遺者什一猶且不可況不

止什一乎且其間或事多註漏而標目過繁叙次
舛錯而繁簡寡當亥豕多訛而年月莫辨令閱者
掩卷欲卧誠不可也侯受委攝縣事適奉檄取縣
志卒無以應又不能以府志搪塞爰集邑之紳儒
開館刻期纂輯而非可以臆爲也溯府志起自唐
司徒胃繼而戴學道煊修補於舊志間有同異迨
國朝牛太守天宿復較訂重刻以公事繁劇不能親
事筆墨屬之教授朱子虛而自總其成今修輯既
祖述郡志是豈抱殘守陋拾其唾餘而已哉將必
網羅衆說而加以折衷焉可也夫人固有巧於舟
車而拙於木鷲者前時著作一皆毫髮無憾大要

當日見確事真今雖頗有刪補要不離其本根而脫其面目安能蹈空杜撰以駭後人也昔新唐書成歐陽子自謂卷目較省而記事加多論者尙以不能勝舊然則纂輯一事蓋可易言哉雖以孔子之聖猶曰述而不作吾於邑志亦云

又

邑令佟世南

江寧人

郡邑之有志猶國之有史也王者建極設外史以掌四方之志非徒侈耳目之觀正以寰宇風尚異宜戶口異數其間山川人物土田賦役兵防學校公私室廬井疆坊表建置沿革之類隨時變遷使無志以紀之何以徵往昔而垂奕禩哉瓊山孤懸

島嶼邑治附郭向郡有志而縣無志以在郡猶在
邑也然海南奇甸地處荒徼歷漢唐宋以來洎明
初陞爲府列州縣十三而瓊山居首人文蔚起彬
彬有中土風安可無專志以紀其盛況

聖朝車書一統方道輶軒備考輿圖形勝并天下通志
以進茲奉上憲檄行准備部咨取郡縣志書世南
一介下吏受事方新爰遵行查幸有海防潘公署
理縣事傳集儒學紳衿纂有草稿十二卷分列條
緒亦既殫厥經營匠心勞瘁矣世南敢以退食公
餘詳加校閱顧誤多亥豕間有註漏繁簡未盡適
度品騰或有滋疑因不揣荒愚特幣延名雋焚膏

繼晷或增所未備或訂其未協巨細銖兩同爲商
權不啻句櫛宇比韓子所謂覽其緒裁其贅記事
必提其要纂言必鉤其元者準其意以釐正之閱
月餘而竣乃事由茲一邑之風尙所宜戶口所載
以及山川人物土田賦役兵防學校公私室廬井
疆坊表建置沿革皆可按籍而稽洞如列眉指掌
以之徵往古詔來茲不敢謂有功於創始諸賢僅
此兢兢不以風影之談妄希徵信於傳史之微衷
或可以告無罪而邀鑒於高明有識之君子云

又

邑令王贊新
新安人

天下郡縣之志所以載天下之山川土田以及民